



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK
OPĆINSKO VIJEĆE**

Broj: 02-49-2----/14

Datum: 24.03.2014. godine

PRIJEDLOG

Na osnovu člana 14. Statuta Općine Tešanj ("Službeni glasnik Općine Tešanj" broj 11/07) Općinsko vijeće donosi

**ODLUKU
o javno-privatnom dijalogu**

I

Ovom odlukom pruža se institucionalna podrška javno-privatnom dijalogu, određuju uslovi za formiranje radnog tijela koje je sastavljeno od predstavnika javnog, privatnog i civilnog sektora, određuje se cilj za aktivno sudjelovanje svih aktera u javno-privatnom dijalogu, razvoju zajednice u cjelini i kreiranju povoljnog poslovnog okruženja.

II

Radno tijelo je mješovitog sastava i broji 15 članova, od kojih najmanje jednu polovinu čine predstavnici privatnog i/ili civilnog sektora.

Predstavnici javnog sektora biraju se kao predstavnici relevantnih institucija po funkciji (ne po imenima): Općinski načelnik, Predsjedavajući OV Tešanj, Direktor TRA Agencije za razvoj općine Tešanj, Pomoćnik općinskog načelnika za privredu, finansije i inspeksijske poslove; Direktor JP RAD, Direktor Mješovite srednje škole Tešanj, Šef poslovnice Zavoda za zapošljavanje - Biro Tešanj.

Predstavnici privatnog i civilnog sektora se biraju kao predstavnici privrednih društava i civilnih organizacija (ne po imenima), a kriteriji za izbor članova iz redova privatnog i civilnog sektora su: relevantna zastupljenost svih sektora privrede sa potencijalima za razvoj (najmanje po jedan predstavnik svih najznačajnijih sektora: metaloprerađiva, drvoprerađiva, tekstil i koža, prehrambeni, uslužni, obrt) mikro, mala i srednja privredna društva, predsjednik udruženja privrednika Biznis-centar Jelah-Tešanj, žene preduzetnice, predstavnici relevantnih organizacija civilnog sektora i/ili pojedinci.

Tehničke poslove radnog tijela obavljat će uposlenik TRA Agencije za razvoj općine Tešanj.

III

Zadaci i ciljevi radnog tijela su:

- dvotrećinskom većinom donosi poslovnika o radu radnog tijela,
- usvaja godišnjeg plana za provođenje javno-privatnog dijaloga,
- osigurava kontinuitet rada na javno-privatnom dijalogu,
- prati proces i provođenje politike javno-privatnog dijaloga kroz razvoj novih projekata,
- razmatra značajna razvojna pitanja i pitanja unapređenja poslovnog okruženja i konkurentnosti,
- predlaže mjera za razvoj zajednice i unapređenje općinske poslovne klime i konkurentnosti,
- predlaže inicijative koje se tiču viših nivoa vlasti;
- razmatra inicijative za partnerske projekte i njihovu implementacije,

- predlaže i daje preporuke Općinskom vijeću i Općinskom načelniku, u cilju većeg i kvalitetnijeg uključivanja svih zainteresiranih strana,
- sve aktivnosti se provode uz poštivanje načela transparentnosti, partnerstva i saradnje sa TRA Agencijom za razvoj općine Tešanj,
- informiše javni i privatni sektor o svom radu.

IV

Ovlašćuje se Općinski načelnik da donese rješenje o formiranju radnog tijela.

V

Ova odluka stupa na snagu narednog dana od dana objavljivanja u “Službenom glasniku Općine Tešanj”.

PREDSJEDAVAJUĆI OV
Fuad Šišić, dipl. ing.mašinstva

OBRAZLOŽENJE

PRAVNI OSNOV

- član 14. Statuta Općine Tešanj ("Službeni glasnik Općine Tešanj" broj 11/07)

RAZLOZI ZA DONOŠENJE

Na osnovu iskustva i sradnje sa međunarodnim organizacijama i predstavnicima privatnog sektora, pojavila se potreba za uspostavljanje osnova za javno-privatni dijalog. Općinskom vijeću se predlaže donošenja ove odluke u cilju aktivnog sudjelovanja svih aktera u javno-privatnom dijalogu, razvoju zajednice u cjelini i kreiranju povoljnog poslovnog okruženja.

Ovom odlukom određeni su osnovni kriteriji za uspostavljanje radnog tijela koje broji 15 članova, od kojih najmanje jednu polovinu čine predstavnici privatnog i/ili civilnog sektora. Predstavnici javnog sektora se ne biraju se po imenu, već kao predstavnici relevantnih institucija po funkciji.

Predstavnici privatnog i civilnog sektora se takođe ne biraju po imenu, već kao predstavnici privrednih društava i civilnih organizacija. Kriteriji za izbor članova iz redova privatnog i civilnog sektora su: relevantna zastupljenost svih sektora privrede sa potencijalima za razvoj (najmanje po jedan predstavnik svih najznačajnijih sektora: metaloprerađa, drvoprerađa, tekstil i koža, prehrambeni, uslužni, obrt) mikro, mala i srednja privredna društva, predsjednik udruženja privrednika Biznis-centar Jelah-Tešanj, predstavnica žena preduzetnica, predstavnici relevantnih organizacija civilnog sektora i/ili pojedinci.

Na osnovu svega navedenog Općinskom vijeću se predlaže usvajanje ove odluke.

Dostavljeno:

1. Općinsko vijeće
2. Arhiva

PREDLAGAČ
OPĆINSKI NAČELNIK
mr.sci. Suad Huskić, profesor

Datum: 24.03.2014. godine
Broj: 01-49-2-636/14